

Әдебиет аспанында «Сүмбіле» туды

Оразай ЖЕҢІСҰЛЫ

...Шешілмесен бұғаудан қайтер едін,
Тұрар ма еді күн сүйіп бәйтерегін.
Ала таңды бетке алып көсіл енді,
Шылбырынан шешілген айтөбелім.



Бұл – өнірге кеңінен танымал ақын Әскерхан Ақтайдың өлең жолдары. Иә, Ақтайдың айтөбелі осы күні шылбырын сүйретіп, әлдебір үлкен атырапты бетке алып, құйғыта шауып барады. Әзірге екінің біріне тізгін бермек емес. Шабысы үдей берсін! Осыған тілекtes қала жастары ақынмен жүздесіп сырлы сұхбат құрған еді. Кездесу кеші Өскемендең облыстық балалар және жасеспірімдер кітапханасында өткен болатын.

Автор мен оқырман арасындағы еркін сұхбат барысында ортаға саулалдар тасталып, ой-пікірлер ашық айттылды. Топқа бөлініп, ақын өлендерін мәнерлеп оқып, жарысқа да түсті. Бұдан бөлек қалалық «Шабыт» ақындар клубының мүшелері арнайы келіп, аға буынның өкіліне жырдан шашу шашып, кеш сәнін кіргізді. Кеш иесі оларға ризашылығын білдіріп, шығармашылық табыс тіледі.

Шара барысында ақынның жуырдаған жарық

көрген «Сүмбіле» жыр жинағы таныстырылды. Сол су жана жинақты қалың оқырман қауымға да әйгілөй кетуді жөн көріп отырмыз.

Бұл «Сүмбіле» қазақ поэзиясының аспанында өткен жылдың соңына қарай жарқы етіп туды. Иә Әскерхан ақын елорда төрінде «Байрақты елім, бағаналы ордам» атты әдеби кешін өткізген. Осындай кештердің әлі бірнеше облыста өтуін жоспарлап отырғанын айтқан еді бір сезінде ақын ағамыз. Жинақта жыраулық және дәстүрлі поэзиялық үлгіде жазылған кіл қараөлең топтасқан.

«Угай, угай, әй угай» деп басталатын кітаптың алғашқы бөлімінде көбіне халық әндерінің сарынымен жазылған, солармен үндес өлеңдер кездеседі. Маселен, «Маусым, мамыр дегенде маусым, мамыр, естіледі сазды сыр дауысынан бір» деген шумақтар оқылғанда, халық әндерінің майда қоңыр әуені еріксіз құлаққа естіліп, ақын өлецимен жарасым таба келе, көкірекке бірге қонақтайды. Әскерхан өлеңдеріндегі «әккі» бір сырды сонда үғынасыз.

«Танда гүлдер ашылғанда» атты екінші бөлімдегі «Құбыладан ескен жел», «Рамазанға қимастық...», «Кеш, тәнір» сынды өлеңдер имандылыққа, тәрбиеге үндейді жас оқырманды. Бұл түрғыда ақынның айтарлықтай сауаты бар екенин білеміз. Бұл өлеңдерде біз айтқаннан да терек сырлардың бұғып жатуы да ғажап емес. Қырағы оқырман таныса келе, патша көnlінің таразысына салып байқар. Біз одан әріге құрығымызды тастамай-ақ қоялық.

Келесі бөлім – ақын айтөбелінің бауырын жерге тигізе көсілген, шабытының шарықтау шегіне жеткен кезі ме дейміз?! «Тұған жер сазымен» жазылған, төрт аяғы тең қазақы қара өлеңдер құйылады да тұрады. Сайындаланың көндігі, асқар таулардың пандығы, қырдағы бүлбүл таңыңың сырьы мен қырғауыл кештің көркі тұтас сыйып тұр. Бірқатар лирикалық мәлдір өлеңдерді де осы жерден таба аласыз. «...Жүрегінде бір сезім бұр жарды ма, күзде ашылған гүліндей тобылғының». Ақын – тағдыр. Бұдан артық айтпаймыз.

Жинақтың соңында «дала сарынындағы» толғаулаар мен термелер топтасқан. Бұл жерде ақын жыраулық поэзияның жарқын үлгісін көрсете алған.

Жалпы алғанда, қазақ әдебиеті кітапханасының сөресі жана бір субелі еңбекпен толықты деуге болады. Әдебиетке сәл кешірек, бірақ тау жығатын екпінмен келген Әскерхан Ақтай ағамызға ақ жол дейміз!